

**SYARAT-SYARAT PENAWARAN PROGRAM LANJUTAN  
PERINGKAT DIPLOMA LANJUTAN DAN SIJIL POS BASIK DI INSTITUT LATIHAN  
KEMENTERIAN KESIHATAN MALAYSIA SESI SEPTEMBER 2024**

**1. SYARAT AM**

- 1.1 Berumur tidak melebihi **48 tahun** pada tarikh tutup tawaran;
- 1.2 **Berkhidmat sekurang-kurangnya tiga (3) tahun bagi calon Kerajaan & Badan Berkanun dan dua (2) tahun bagi calon swasta** pada tarikh tutup tawaran;
- 1.3 Pegawai telah **disahkan dalam skim perkhidmatan** terkini pada tarikh tutup permohonan;
- 1.4 Mencapai **purata markah Laporan Penilaian Prestasi Tahunan (LNPT) 85% ke atas bagi tempoh tiga (3) tahun** dalam **skim perkhidmatan terkini secara berturut-turut (2021, 2022, 2023)**. Penilaian setahun LNPT hendaklah genap 12 bulan;
- 1.5 Bagi pegawai **Peningkatan Secara Lantikan (PSL)**, pegawai perlu **disahkan dalam skim perkhidmatan terkini dan mencapai purata LNPT 85% ke atas bagi tempoh tiga (3) tahun dalam skim perkhidmatan terkini** secara berturut-turut (2021, 2022, 2023). Penilaian setahun LNPT hendaklah genap 12 bulan;
- 1.6 Pegawai bersih/bebas daripada sebarang pertuduhan/prosiding dan tindakan tatatertib, siasatan dan/atau dalam proses dakwaan mahkamah;
- 1.7 Diperakukan oleh Ketua Jabatan;
- 1.8 Lulus pemeriksaan kesihatan oleh Pegawai Perubatan Kerajaan (termasuk ujian Hepatitis B, Hepatitis C & HIV/AIDS dan U.P.T) selepas calon terpilih untuk mengikuti Program Lanjutan. Sekiranya keputusan pemeriksaan perubatan tidak lulus, tawaran adalah terbatal dengan sendiri

- 1.9 Pegawai bebas daripada penyakit yang boleh menjasakan keupayaan untuk mengamalkan perubatan (*unfit to practice*) dari segi fizikal dan mental seperti di Lampiran A;
- 1.10 Pegawai Kerajaan yang menarik diri dari mengikuti latihan setelah menandatangani kontrak dengan Kerajaan Malaysia akan dikenakan penalti dan tidak layak memohon selagi ikatan kontrak dengan Kerajaan masih berjalan;
- 1.11 Pegawai yang **menolak tawaran** latihan bagi sesi sebelum ini tanpa alasan yang munasabah adalah **tidak layak** memohon dalam tempoh **dua (2) tahun terakhir**;
- 1.12 Pegawai yang telah mengikuti mana-mana tawaran Program Lanjutan dalam tempoh **dua (2) tahun terakhir** adalah **tidak layak** memohon;
- 1.13 **Pegawai wanita hamil tidak layak memohon. Calon juga tidak dibenarkan hamil sepanjang tempoh pengajian**; dan
- 1.14 Memiliki **Sijil Amalan Profesional** yang masih sah (sekiranya berkenaan).
- 1.15 Pegawai yang telah mengemukakan permohonan pertukaran /dalam proses pertukaran tempat bertugas tidak layak dipertimbangkan untuk mengikuti Program Lanjutan.

## 2. SYARAT-SYARAT KHAS

Syarat-syarat khas kursus adalah seperti berikut:

### 2.1 Diploma Lanjutan Kebidanan

- (a) Memiliki **Sijil Kursus Penyusuan Susu Ibu (PSI)** yang menggunakan modul latihan: **Breastfeeding Promotion and Support: A Training Course for Health Professionals**, MOH, 2009 termasuk 3 jam latihan amali, seperti berikut:
  - i. Sijil Kursus Penyusuan Susu Ibu mestilah **mulai dari tahun 2009**; dan
  - ii. **Minimum 20 jam kursus termasuk 3 jam latihan amali**;

(b) Modul latihan bagi kursus PSI 13@18 jam adalah **tidak setaraf** dengan kursus 20 jam.

## 2.2 Diploma Lanjutan Transfusi Darah

(a) Keutamaan kepada calon yang mempunyai **pengalaman bertugas di Makmal Transfusi Darah sekurang-kurangnya tiga (3) tahun.**

## 2.3 Diploma Lanjutan Penjagaan Onkologi

(a) Pengalaman klinikal **sekurang-kurangnya enam (6) bulan** dalam penjagaan Onkologi.

## 2.4 Diploma Lanjutan Penjagaan Kesihatan Kardiovaskular

(a) Pengalaman klinikal **sekurang-kurangnya enam (6) bulan** dalam penjagaan kesihatan kardiovaskular; dan

(b) Memiliki **Sijil Basic Life Support** yang masih sah.

## 2.5 Diploma Lanjutan Perawatan Perioperatif

(a) Pengalaman klinikal **sekurang-kurangnya enam (6) bulan** di dewan bedah am/sub kepakaran; atau

(b) **Tiga (3) bulan sangkutan (attachment)** dewan bedah am/sub kepakaran.

## 2.6 Diploma Lanjutan Perawatan Gerontologi

(a) Pengalaman klinikal **sekurang-kurangnya enam (6) bulan** dalam bidang penjagaan Geriatrik.

## 2.7 Diploma Lanjutan Penjagaan Rapi

(a) Pengalaman klinikal **sekurang-kurangnya enam (6) bulan** dalam bidang sub kepakaran yang dinyatakan; dan

(b) Memiliki **Sijil Basic Life Support** yang masih sah.

## **2.8 Diploma Lanjutan Perawatan Kesihatan Mental**

- (a) Pengalaman klinikal **sekurang-kurangnya enam (6) bulan** dalam perawatan Kesihatan Mental.

## **2.9 Diploma Lanjutan Penjagaan Kecemasan**

- (a) Keutamaan kepada yang mempunyai pengalaman klinikal **sekurang-kurangnya enam (6) bulan** dalam penjagaan kecemasan; dan
- (b) Memiliki **Sijil Basic Life Support** yang masih sah.

## **2.10 Diploma Lanjutan Perawatan Pediatrik**

- (a) Pengalaman klinikal **sekurang-kurangnya enam (6) bulan** di Wad Pediatrik/Klinik Pediatrik/Pusat Rawatan Harian Pediatrik/ *Paediatric High Dependency Unit/Paediatric ICU*.

## **2.11 Diploma Lanjutan Penjagaan Diabetes**

- (a) Mempunyai pengalaman klinikal **sekurang-kurangnya enam (6) bulan** dalam pengurusan penjagaan Diabetes.

## **2.12 Diploma Lanjutan Penjagaan Neurosains**

- (a) Pengalaman klinikal **sekurang-kurangnya tiga (3) bulan** dalam penjagaan Neurosains.

## **2.13 Diploma Lanjutan Tomografi Berkomputer**

- (a) Pengalaman **sekurang-kurangnya enam (6) bulan** di bidang Tomografi Berkomputer dalam **tempoh tiga (3) tahun terkini perkhidmatan**; dan
- (b) Calon Juru X-Ray (Terapi) perlu memenuhi pra-syarat Buku Rekod Radioterapi sebelum mengikuti kursus ini.

## **2.14 Diploma Lanjutan Epidemiologi Gunaan & Kawalan Penyakit (Penyakit berjangkit)**

- (a) Keutamaan kepada calon yang mempunyai pengalaman bertugas **sekurang-kurangnya satu (1) tahun** dalam bidang berkaitan dengan kawalan penyakit.

## **2.15 Diploma Lanjutan Pencegahan dan Kawalan Infeksi**

- (a) Pengalaman klinikal **sekurang-kurangnya enam (6) bulan** dalam Pencegahan dan Kawalan Infeksi.

## **2.16 Diploma Lanjutan Penjagaan Oftalmologi**

- (a) Mempunyai pengalaman klinikal **sekurang-kurangnya enam (6) bulan** atau yang sedang bertugas di unit berkaitan.

## **2.17 Diploma Lanjutan Perawatan Neonatal**

- (a) Pengalaman klinikal **sekurang-kurangnya enam (6) bulan** dalam perawatan Neonatal.

## **2.18 Sijil Pos Basik Kejururawatan Kesihatan Awam**

- (a) Mempunyai **Sijil Kebidanan Bahagian I / Diploma Lanjutan Kebidanan**; dan
- (b) Pengalaman klinikal sekurang-kurangnya **enam (6) bulan** dalam bidang tersebut.

## **2.19 Sijil Pos Basik Perawatan Rehabilitasi**

- (a) Mempunyai pengalaman klinikal **sekurang-kurangnya enam (6) bulan** dalam bidang yang berkaitan di Unit Rehabilitasi.

## **2.20 Sijil Pos Basik Penjagaan Peri-Anestesia**

- (a) Keutamaan kepada **Anaesthetic Assistants di Operation Theater** dan juga **Penolong Pegawai Perubatan di Unit Rawatan Rapi**.

## **2.21 Sijil Pos Basik Perawatan Gastrointestinal Endoskopi**

- (a) Mempunyai pengalaman bertugas **sekurang-kurangnya enam (6) bulan** dalam bidang yang berkaitan dengan penjagaan gastroenterologi.

## **2.22 Sijil Pos Basik Pengurusan Penjagaan Luka**

- (a) Mempunyai pengalaman klinikal **sekurang-kurangnya enam (6) bulan** dalam bidang yang berkaitan dengan Penjagaan Luka.
- (b) Keutamaan kepada pegawai yang bertugas dalam **Pasukan Penjagaan Luka** di hospital.

## **2.23 Sijil Pos Basik Perawatan Nefrologi**

- (a) Mempunyai pengalaman klinikal **sekurang-kurangnya enam (6) bulan** di Jabatan Nefrologi.

## **2.24 Sijil Pos Basik Penjagaan Stoma dan Continence**

- (a) Pengalaman klinikal **sekurang-kurangnya enam (6) bulan** dalam bidang yang berkaitan dengan Penjagaan Stoma dan *Continence*

## **2.25 Sijil Pos Basik Ortodontik Teknologi Pergigian**

- (a) Berkhidmat **sekurang-kurangnya lima (5) tahun** sebagai **Juruteknologi Pergigian**;
- (b) Keutamaan kepada calon yang **sedang berkhidmat di klinik pakar** dan akan **ditempatkan di klinik pakar** berkenaan selepas tamat latihan; dan
- (c) Permohonan perlu **disokong oleh Pakar Orthodontik** dan **diluluskan oleh Timbalan Pengarah Kesihatan Negeri (Pergigian)**